



Crisis Theologica

Cárdenas, Juan de

Sevilla, 1687

Cap. V. An incurrat hanc damnationem sententia asserens, aliquod
objecum esse de Fide contra alios Authores id negantes?

[urn:nbn:de:hbz:466:1-75689](#)

SVMMARIVM.

53. Eodem ergo modo, dicendum est, ad certitudinem moralem in Supremo gradu, qua cognosco obiectum singulare contineri in obiecto vniuersali revelato, præsupponi eam realem continentiam: ex suppositio-ne autem quod detur talis continen-tia, implicat contradictionem, quod ea non detur. Et quidem si aliter esse posset non haberetur ea certitudo moralis, quæ talis est insupremo gradu.

54. Accedit, quod omnia reve-lata sunt vel iam facta de præterito; vel si pendent in futurum, dimanant à revelatione Dei iam facta. Atqui cum ad præteritum non detur potē-tia, neque revelationes Dei patientur mutabilitatem, implicat aliter esse ea, quæ quis cognoscit supra-ma certitudine morali, esse contenta in re-vlatione vniuersali.

55. Hinc respondeatur ad ratio-nem dubitandi, negando, id, quod est certum moraliter in supremo gradu, ex suppositione talis certitudinis, & veritatis ad illam præsuppositę, pos-se aliter esse. Quare negandas sunt ambe consequentię.

56. Reliqua argumenta, quæ obiecti possunt contra eam senten-tiam, quæ admittit assensum Fidei supernaturalis circa obiectum singu-lare evidentiā morali contentum in obiecto vniuersali revelato, & solu-tiones eorum, non spectant ad meum institutum. Qui ea desiderat, videat P. Petrum Hurtado, & Cardinalem P. Hur. Lugo citatos.

CAPVT V.

*An incurrat hanc damnationem
sententia afferens, aliquod obiec-tum esse de Fide contra alios*

Authores id ne-gantes?

*Authores negantes esse de Fide, hunc,
qui de facto est, esse verum Pontifi-cem. n. 57.*

*Authores affirmantes, id esse de Fide.
num. 58.*

An qui affirmant, esse de Fide, affir-mant illud probabiliter, & cum formidine de revelatione. n. 59.

Quomodo respondeat ad hanc diffi-cultatem Lugo Cardinalis. n. 60.

*Qui censem, esse de Fide, debent id
credere per assensum Fidei super-na-turalis, & absque formidine. n. 61.*

*Qui censem, esse de Fide, adhærent
sue sententia tamquam cert.e, &
censem oppositam non esse probabi-lem, nempe à principijs intrinsecis.
num. 62.*

*Dilemmate ostenditur conclusio. n. 63,
& 64.*

*Quod à principijs intrinsecis est im-probable, quamvis in oppositum
sint plures Authores, non potest esse
probabile. n. 65.*

*Proponitur responsio, & convincitur.
num. 66. & seqq.*

Quare dici non possit, illud esse de Fi-de solum in abstracto. n. 69.

*Qui probabiliter affirmant, aliquid
esse de Fide, non habent certitudi-nem requisitam. Et quid inde pro
conclusione? n. 70.*

*Ex eo, quod non habeant certitudinem
adhesionis ad obiectum illud, non
possunt dicere esse de Fide. n. 71.*

57. **A** liquæ sunt questiones cō-
troverse inter Theolo-gos, in quibus inquiritur, an tale obiectum credi debeat Fide Divina, aientibus alijs, & alijs negantibus. V.g. quæstio est, [An sit de Fide, hunc hominem, V.g. Sanctissimum D. Inno-centium XI., esse verum Pontificem, & Petri successorem legitimum?] Nam,

PROPOSITIO XXI.

351

Nam, ut resert P. Suarez, disp. 10.
 de Fide sect. 5. num. 2. negant, id
 esse de Fidei Turrecremata, Alber-
 tinus senior, Caietanus, Bañez, Ca-
 nus, Vega, Corduba, & Castro.
 58. Affirmant, esse de Fide,
 P. Suarez citatus, P. Petrus Hurta-
 do disp. 37. per totam, P. Salmeron
 lib. 1. in Epistolas Pauli part. 2. disp.
 de Ecclesia §. Angelii. P. Albertinus
 Soc Iesu tom. 1. Coroll. 3. Theolog.
 ex 3 principio Philosophi. quæst. 3.
 num. 10. P. Valencia tom. 3. disp.
 1. quæst. 1. punct. 7. §. 38. verl. Se-
 cunda ratio. P. Oviedo contròv. 4. de
 Fide punct. 7. num. 86. P. Arriaga
 tom. 5. curi. Theol. disp. 7. sect. 8.
 num. 56. P. Tannerus tom. 3. disp.
 1. quæst. 1. dub. 5. num. 146. P. Cas-
 tro Palao tom. 1. tract. 4. disp. 1.
 punct. 5. §. 2. num. 9. P. Amicus
 tom. 3. curs. Theol. disp. 6. sect. 5.
 num. 152. P. Comitolus resp. mor.
 lib. 1. quæst. 99. Item Diana part. 11.
 Tract. 2. de Pontifice rtsol. 6. & apud
 ipsum ultra relatos Gerunda, Syl-
 vius, Pueronus, Verriceli, Pon-
 cius, Ioannes à S. Thom. Adrianus,
 & Petrus de Walemburch, Ioan-
 nes Ponzius, Bordonus, & Bonacina.

59. Inquirimus ergo, an senten-
 tia affirmans, esse de Fide, quod alij
 Doctores negant esse de Fide, sub-
 iaceat huic damnationi? Et ratio
 dubitandi est. Etenim sententia af-
 firmans id affirmat probabiliter,
 cum multi Doctores Theologi censem-
 ent oppositum: ergo affirmant cum
 formidine imbibita in probabilitate,
 id esse de Fide: ergo si eliciunt
 assensum Fidei circa id obiectum,
 illum eliciunt cum formidine circa
 revelationem: ergo assensus Fidei
 supernaturalis stat cum formidine
 circa revelationem Dei; quod ex-
 presse damnat Innocentius XI. in
 hoc decreto.

60. Lugo Cardin. disp. 1. de
 Fide sect. 13. §. 4. num. 323. sic dis-
 tinguit: [Aliud enim est, illud ob-
 jectum secundum se, & in abstracto
 esse de Fide, & esse a Deo revela-
 tum; aliud vero, esse nobis de Fi-
 de, seu posse, aut debere a nobis per
 Fidem credi. Illud primum solum
 affirmant, qui dicunt tale obiectum
 esse de Fide, vel esse revelatum a
 Deo. Cum enim omne revelatum a
 Deo pertineat ad obiectum mate-
 riale Fidei, sicut probabile est, obiec-
 tum illud revelatum esse a Deo, ita
 probabile etiam est pertinere ad Fi-
 dem. Quia tamen, ut aliquid possit
 a nobis hic & nunc per Fidem credi,
 necesse est, quod de revelatione non
 possimus prudenter formidare, pro-
 vt possumus formidare prudenter,
 quoties probabile est non esse a Deo
 revelatum; hinc etiam est, eos, qui
 probabiliter docent, aliquid esse
 de Fide, solum loqui per se, &
 quantum est ex parte obiecti re-
 velati, non tamen negant, quod
 supposita probabilitate sententia co-
 traria, & per accidens, Fides hic, &
 nunc non possit extendi ad illud
 obiectum, quia per accidens prop-
 ter probabilitatem contrariam non
 potest prudenter prohiberi omnis
 formido circa talem revelationem.]
 Huicisque Cardinalis.

61. Sed non acquiesco viro doc-
 tissimo, quin prius assero, eo ipso
 quod Doctores Theologi censemant,
 esse de Fide aliquod obiectum, posse,
 & debere id credere per assensum
 Fidei supernaturalis absque illa for-
 midine. Quod si non possunt id cre-
 dere per assensum Fidei supernatu-
 ralis absque formidine; non pos-
 sunt asserere, id obiectum esse de Fide.

62. Probatur conclusio primo.
 Eo ipso quod Doctores Theologi
 censemant, id obiectum esse de Fide,
 consequenter censemant, a principijs

In-

intrinsecis suam sententiam esse certam, & oppositam non esse probabilem, quamvis dicatur probabile ab extrinseco, scilicet ex autoritate aliorum Doctorum: ergo absque illa formidine censem, esse de Fide: ergo nulla in eis datur formido, quominus eliciant assensum Fidei supernaturalis circa tale obiectum, quod censem a Deo revelatum. Ambae consequentiae patent: quia ubi est omnimoda certitudo, nulla potest esse formido.

63. Probatur antecedens. Nam tales Doctores vel habent formidinem circa id, quod illud obiectum sit de Fide, vel non habent? Si primum, in sero: ergo formidinem habent de revelatione: cum hoc quod aliquid sit de Fide, consistat in eo, quod revelatum sit: sed repugnat, quod dicatur revelatio esse certa, & quod dicatur cum formidine; quia certitudo, & formido se mutuo exclusunt: ergo eo ipso quod revelatio dicatur esse certa, non potest dici cum formidine, atque adeo neque mere probabiliter.

64. Quod si dicatur secundum, nempe quod tales Doctores dicunt absque formidine, illud esse de Fide, in sero: ergo illud affirmant tamquam certum: ergo non cum sola probabilitate, quae quidem formidinem non excludit. Atque adeo eo ipso, quod dicant, id esse de Fide, saltem a principijs intrinsecis affirmant tamquam certum, & oppositum ut improibile, & certo falso.

65. Vbi notandum est id, quod late docni in 1. part. Cris Theolog. disp. 11. cap. 9. maxime a num. 261. scilicet illud, quod est improbabile, & certo falso a principijs intrinsecis (licet dici soleat probabile ab extrinseco, quando habet pro se aliquos Authores) non posse esse absolute

XIV. CAP. IV.

probabile. Nam intellectus non potest assentiri ei obiecto, quod tibi proponitur ut certo falso, quamvis dicant oppositum plurimi Authores.

66. Dices. Quando Authores dicunt, aliquod obiectum esse de Fide, contra alios Authores oppositum opinantes, distingui debere propositionem directam a reflexa: nam haec propositionis, *Hoc obiectum est a Deo revelatum*, est directa; reflexa vero haec: *Probabiliter existimo, hoc obiectum esse a Deo revelatum*. Qua ratione formido non se tenet ex parte propositionis directa, sed ex parte reflexa, in quo non videtur esse repugnantia, cum propositionis directa, & reflexa habeant diversa obiecta; & respectu diversorum obiectorum non repugnant certitudo, & formido.

67. Sed haec sunt verba sine re. Quid enim prodest, dicere me, *Evidens est, quod Sol est in nostro hemisferio*; si simul dixeris, *incertus sum, an id sit evidens?* Aut qualis est illa certitudo, de qua ego sum incertus? Ex quo exemplo constat, formidinem, quae datur in eo actu reflexo, virare certitudinem, quae assertur in tali actu directo.

68. Præterea, ut dixi supra, iam Doctores conspirant in eam sententiam, quae assertit, esse de Fide, hunc hominem, scilicet Innocentium XI. esse verum Pontificem maximum; contra alios oppositum opinantes. Si ergo illi priores Doctores dicent, se solum probabiliter id affirmare; esset idem, ac dicere, se esse incertos, an id sit de Fide. Quid ergo prodest dicere, id esse certum de Fide, sed ipsos esse incertos de ea certitudine? aut quomodo possent elicere actum Fidei supernaturalis cum ea incertidine?

69. Quod autem dicit Lugo Cardinalis, ut supra retuli, id esse de Fide in abstracto, sed non posse a nobis

bis hic & nunc credi Fide supernaturali, non facile intelligitur, nisi dicamus esse eodem modo, atque cum sensus probabilis Scripturæ Sacrae nobis occurrit: tunc enim dicimus illum esse probabiliter revelatum; sed non propterea dicimus illum esse de Fide: quia ut sit absolute de Fide, non sufficit probabilitas revelationis, sed requiritur certitudo illius. Cum autem Cardinalis dicit, [Sicut probabile est, obiectum illud revelatum esse a Deo, ita probabile etiam est, pertinere ad Fidem:] respondendum est, solum pertinere ad Fidem id, quod certo revelatum est, non autem quod mere probabiliter.

70. Probatur secundo conclusio. De conceptu essentiali assensus Fidei est utraque certitudo, nempe connexionis cum obiecto, & adhesionis ad obiectum; ut supra cap. 2. probavi: sed Authores affirmantes probabiliter, aliquod obiectum esse de Fide, atque adeo credi debere fide supernaturali, non habent certitudinem adhesionis ad obiectum: ergo circa id obiectum non habent assensum Fidei supernaturalem. Probatur Minor. Nam formido de certitudine est formido de revelatione: at qui afferentes probabiliter certitudinem revelationis, illam assertunt cum formidine: ergo cum incertitudine adhesionis ad obiectum; ergo sine certitudine talis adhesionis.

71. Quod si dicatur, hos Authores probabiliter afferentes, tale obiectum esse de Fide, solum contendere probabiliter, tale obiectum habere certitudinem connexionis cum obiecto; non tamen ipsos habere certitudinem adhesionis ad obiectum; neque id quidem tolerati poterit, quia dum non habent certitudinem adhesionis ad obiectum, non possunt elicere actum Fidei supernaturalis circa tale obiectum; atque adeo non possunt

absolute pronunciare, tale obiectum esse de Fide Divina: quidquid enim est absolute de Fide divina potest hic & tunc credi assensu Fidei Divinae.

72. Maneat ergo firmum, quod Theologi affirmantes absolute, aliquid obiectum esse de Fide, V. g. hunc hominem esse verum Pontificem Maximum, eo ipso id affirmare, non probabiliter, sed certo certitudine connexionis cum obiecto, & adhesionis ad obiectum. Cum ergo affirmant, illud obiectum esse certum de Fide, illi a principijs intrinsecis certi sunt de veritate obiecti, eo quod a principijs intrinsecis sibi sufficienter proposita est revelatio. Illis vero, qui afferunt, id non esse de Fide (ea est ingeniorum varietas) non est sufficienter proposita ea veritas, fortasse quia non penetrant motiva credibilitatis. Et ex dictis satis constat ad rationem dubitandi initio huius capituli propositam.

CAPVT VI.

Discutiuntur argumenta, quibus aliqui mituntur probare falsitatem propositionis damnatae.

SVMMARIVM.

Sine evidentiâ credibilitatis, accedente lumine Fidei, potest quis habere certitudinem de revelatione. n.75.
Argumentum secundum non procedit contra Authores prepositionis damnatae. n.77.
Hi Authores solum loquuntur, quando tertio constat de revelatione universalis, & probabile est, obiectum singulare includi sub illa. n.78.

Discremen inter probabilitatem ve-

ram,